

PRÉSTAMOS AVALADOS PARA APOIAR ÁS PEMES E AUTÓNOMOS POLO COVID-19

- Préstamos a longo prazo (máximo 4 anos) para acceso a liquidez para as pemes e autónomos cuxas actividades se atopan afectadas polo actual brote de COVID-19, co obxectivo de darlle liquidez para as súas necesidades máis inmediatas.
- O Igape subvencionará a fondo perdido un importe equivalente á suma dos xuros dos préstamos concedidos ao abeiro desta liña de financiamento, entre 3.000 e 200.000€

BENEFICIARIOS:

PYMES E AUTONÓMOS:

- a) Teñan o seu domicilio fiscal e desenvolvan a súa actividade económica en Galicia.
- b) Cumpran os requisitos, que se detallan entre eles:
 - Firmar préstamos para investimentos productivos.
 - Bens tanxibles para o sistema productivo.
 - Pago de capital corrente (facturas provedores, acreedores, arredramientos, pago nóminas...)

2. Non poderán ter a condición de beneficiarias:

- a) As empresas suxeitas a unha orde de recuperación de axudas da Comisión Europea.
- b) As empresas en crise.
- c) As entidades nas que concorre algunha das circunstancias previstas no art. 10.2 da Lei de subvencións de Galicia.

REQUISITOS

Formalizar un préstamo a un prazo de 4 anos, do seguinte xeito:

- 1) Un mínimo do 35% do seu principal será aplicado ao pago dos seguintes conceptos de gasto: Pagamentos a provedores de mercadorías, materias primas e aprovisionamentos; Pagamentos a acreedores por prestación de servizos, arrendamentos e/ou subministracións; Pago de nóminas e seguros sociais; Gastos financeiros operativos; Pago de impostos e Primas de seguros en cobertura de riscos asociados á actividade empresarial.

2) Un máximo do 65% poderá ser aplicado á cancelación de débedas bancarias e outros conceptos, sempre e cando correspondan a algunha das seguintes modalidades:

- Pago de coutas de préstamos, leasing e/ou renting vencidas ou que venzan durante os tres meses seguintes á data de formalización.
- Pago de saldos dispostos de pólizas de crédito, sempre que estas incrementen o seu dispoñible na contía da aplicación do préstamo a esta finalidade, e se manteñan abertas ata o seu vencemento.
- Débedas bancarias vencidas, cuxo vencemento se producise con posterioridade ao 1 de marzo de 2020.

CONDICIÓN:

1) Importe do préstamo non poderá superar:

- a) O dobre dos costes salariais anuais do beneficiario (incluídas as cargas sociais) correspondentes a
- b) O 25% do volume de negocios total do beneficiario en 2019.

En todo caso, o préstamo a avalar deberá ser igual ou superior a 3.000 euros e igual ou inferior a 200.000 euros.

2) Prazo

O prazo máximo do préstamo a avalar será de 4 anos, incluíndo 1 ano de carencia, como máximo.

3) Tipo de xuro

O tipo de xuro nominal anual que poderán cobrar as entidades de crédito nesta liña será fixo, cun máximo do 1,5%.

4) Subvención ao tipo de xuro

O Igape poderá subvencionar a fondo perdido un importe equivalente a suma dos xuros dos préstamos.

A subvención, será determinada no momento da concesión, e pagarase dunha soa vez. No caso de amortización anticipada do préstamo, a titular deberá reintegrar ao Igape a diferenza entre os xuros aboados e o importe da subvención.

5) Comisións

As comisións máximas que a entidade de crédito poderá repercutir en conceptos de apertura e estudo será do 0,60%. Podendo a entidade de crédito estipular un mínimo de ata 30. Non se considerará comisión o cobro da tarifa de reclamación de posicións debedoras.

As SGR poderán cobrar ao cliente ata o 0,50% en concepto de comisión de aval, calculada para toda a vida da operación sobre o saldo vivo anual previsto do importe avalado, e que será cobrada por anticipado; e ata o 4,00% do importe do financiamento avalado en concepto de aportación ao capital social da SGR, que se aboará igualmente ao inicio da operación. Ambos importes poderán formar parte do préstamo avalado. O cliente poderá solicitar o reembolso da participación social unha vez remate a súa relación coa SGR.

6) Garantías

A garantía a favor das entidades de crédito será o aval da SGR adherida ao convenio, polo 100% do risco. As contragarantías a favor da SGR consistirán no reaval do Igape en cobertura de ata o 25% do risco, e como garantía adicional poderán requirir garantías persoais, pero en ningún caso depósitos de activos líquidos ou financeiros que poidan detraer liquidez da empresa.

7) Prazo

O prazo de presentación de solicitudes de axuda comezará 02 de abril de 2020 e finalizará o 30 de setembro de 2020, agás que se produza o suposto de esgotamento do crédito.

8) Incompatibilidades

Serán compatibles con calquera outra axuda, pero en ningún caso, illadamente ou en concorrencia con outras, poderán superar os límites máximos de intensidade de axuda establecidos pola Unión Europea para as axudas de mínimos.

Referencia legislativa

Resolución do 7 de febreiro de 2020 (DOG N°28 do 11/02/2020) - Bases reguladoras da liña de financiamento Igape-pemes.

Resolución do 31 de marzo de 2020 (DOG N°64 do 01/04/2020) - Modificación das bases reguladoras

*** Información:**

- No Servizo de Atención Telemática a través do teléfono 900 81 51 51 ou 981 54 11 47
- A través de www.igape.es ou en informa@igape.es

*** Tramitación:**

As solicitudes de axuda presentaranse mediante o formulario normalizado que se obterá de xeito obrigatorio na aplicación www.tramita.igape.es. Deberá presentarse obrigatoriamente por vía electrónica con certificado dixital. Será necesario que o asinante da solicitude teña a representación legal da empresa ou entidade solicitante.

A solicitude presentarse coa seguinte documentación electrónicamente:

a) En caso de persoas xurídicas:

1º Escritura de constitución e dos estatutos debidamente inscritas no rexistro competente e as súas modificacións posteriores.

2º Poder do representante que presenta a solicitude, inscrito, no seu caso, no rexistro competente.

3º No caso de entidades obrigadas a formular, aprobar e depositar contas anuais, contas anuais depositadas no Rexistro Mercantil correspondentes ao último exercicio pechado.

b) No caso de persoas físicas ou comunidades de bens: copias das declaracións de IVE: resumo anual do exercicio anterior e liquidacións periódicas do exercicio corrente. Así mesmo as comunidades de bens deberán presentar o Anexo III de comprobación de datos de terceiras persoas interesadas.

Unha vez rexistrada a solicitude, o Igape remitiralla á entidade de crédito e á SGR, a través da extranet de entidades colaboradoras.

***Entidades financeiras adheridas:**

- Caixa Rural Galega
- Abanca
- Bankinter
- Banco Bilbao Vizcaya Argentaria
- Banco de Sabadell
- Banco Santander
- Caixabank